

Na temelju čl. 14. i 37. Zakona o privatizaciji poduzeća ("Službene novine Federacije BiH", br. 27/97, 8/99, 32/00, 45/00 i 54/00) i članka 12. Zakona o Agenciji za privatizaciju ("Službene novine Federacije BiH", broj 18/96), Upravni odbor Agencije za privatizaciju, donosi

**PRAVILNIK
O IZMJENAMA I DOPUNAMA PRAVILNIKA O POSTUPKU PRODAJE
PODUZEĆA KOJA SE PRODAJU U SARADNJI SA MEĐUNARODNOM
SAVJETODAVNOM GRUPOM ZA PRIVATIZACIJU (IAGP) TENDEROM U
VELIKOJ PRIVATIZACIJI**

Članak 1.

U Pravilniku o postupku prodaje poduzeća koja se prodaju u saradnji sa Međunarodnom savjetodavnom grupom za privatizaciju (IAGP) tenderom u velikoj privatizaciji ("Službene novine Federacije BiH", broj 54/00 u daljnjem tekstu: Pravilnik), u članku 5. dodaju se novi st. 3. i 4. koji glase:

"Komisija za tender o važnijim radnjama u postupku sastavlja zapisnik.

Komisija za tender je obavezna sačiniti kratak vremenski Plan aktivnosti provođenja tendera."

Dosadašnji stavak 3. postaje stavkom 5.

Članak 2.

U članku 7. Pravilnika dodaje se novi stavak 3. koji glasi:

"Odobrenje za objavu tendera daje direktor nadležne agencije."

Članak 3.

U članku 10. točka 2. stavak 2. mijenja se i glasi:

"Ponudač je dužan položiti depozit ili bankovnu garanciju čiji iznos/vrijednost ne može biti manji od 20.000 KM niti veći od 200.000 KM, a u izuzetnim slučajevima može iznositi maksimalno 500.000 KM. Depozit mora imati rok vrijednosti najmanje do dana zaključenja prodaje ili 180 dana od dana zaključenja tendera u zavisnosti koji rok istekne prvi."

Članak 4.

U članku 16. stavak 2. iza riječi "dužna" dodaju se riječi:"obezbijediti odobrenje direktora nadležne agencije kako bi mogla", a točka b) mijenja se i glasi:

"b) pozvati ponuđače koji su osvojili približan broj bodova radi stupanja u pregovore."

Članak 5.

U Prilogu 1. Pravilnika "Opći uslovi tendera" u točki 3., riječ "bonitet" zamjenjuje se riječju:"kvalitet", i dodaje se novi stavak 2. koji glasi:

"Komisija za tender je obavezna, na zahtjev zainteresiranih lica, upoznati ih sa metodama bodovanja."

U točki 10., broj i riječ "120 (stotinu dvadeset)" zamjenjuju se brojem i riječju: "180 (stotinu osamdeset)".

Dodaje se nova točka 13. koja glasi:

"Bilo kakva žalba, prigovor ili druga aktivnost protiv odluka Komisije za tender ili procedura tokom privatizacije nekog poduzeća provedenih prema odredbama ovog pravilnika, upućuju se isključivo prema nadležnoj Agenciji."

Dosadašnja točka 13. postaje točkom 14.

Članak 6.

Ovaj pravilnik stupa na snagu danom objavljivanja u "Službenim novinama Federacije BiH".